

18.06.2018 წელი

ქ. თბილისი

1. ხელშეკრულების დამდები მხარეები

ერთი მხრივ, ქალაქ თბილისის მუნიციპალიტეტის მერია (შემდგომში „შემსყიდველი“), წარმოდგენილი ქალაქ თბილისის მუნიციპალიტეტის მერიის ადმინისტრაციის პირველადი სტრუქტურული ერთეულის ხელმძღვანელის (ადმინისტრაციის უფროსი) ვლადიმერ ჭილაძის სახით და მეორეს მხრივ, შპს „იბერია ავტო ცენტრი“ (შემდგომში „მიმწოდებელი“), წარმოდგენილი მისი დირექტორის დავით ჯოხაძის სახით, საქართველოში მოქმედი კანონმდებლობის შესაბამისად და მათი გათვალისწინებით, შეთანხმდნენ შემდეგზე:

2. ხელშეკრულების (შესყიდვის) ობიექტი, შესყიდვის საშუალება, ხელშეკრულების ღირებულება და ხელშეკრულების მოქმედების ვადა

- 2.1 ხელშეკრულების (შესყიდვის) ობიექტია: მსუბუქი ავტომობილის სახელმწიფო შესყიდვა. ინფორმაცია შესყიდვის ობიექტის ტექნიკური მახასიათებლების შესახებ, განზომილებების, რაოდენობებისა და ღირებულებების მითითებით მოცემულია მიმწოდებლის მიერ წარმოდგენილ ფასების ცხრილში (დანართი N1) და შესყიდვის ობიექტის ტექნიკურ დავალებაში (დანართი N2), რომლებიც თან ერთვის ხელშეკრულებას და წარმოადგენს მის განუყოფელ ნაწილს (იხ. დანართი - 2 ფურცელი).
- 2.2 შესყიდვის საშუალება - ელექტრონული ტენდერი (აუქციონის გარეშე), განცხადების ნომერი - NAT180008172.
- 2.3 ხელშეკრულების საერთო ღირებულება შეადგენს 69388 (სამოცდაცხრაათას სამასოთხმოცდარვა) ლარს, ყველა ხარჯისა და გადასახადის (გარდა დღგ-ს) ჩათვლით.
- 2.4 კლასიფიკატორის კოდი: 34110000 - მსუბუქი ავტომანქანები.
- 2.5 ხელშეკრულება ძალაშია მხარეთა მიერ ხელმოწერიდან 2018 წლის 30 სექტემბრის ჩათვლით.
- 2.6 ხელშეკრულებით გათვალისწინებული მუხლები, რომლებიც ეხება საგარანტიო ვადას, ძალაშია საგარანტიო ვადის პერიოდში.

3. შესყიდვის ობიექტის მიწოდების პირობები, ვადა და ადგილი

- 3.1 შესყიდვის ობიექტის მიწოდების ვადა: ხელშეკრულების გაფორმებიდან არაუგვიანეს 60 კალენდარული დღე.
- 3.2 შესყიდვის ობიექტის მიწოდების ადგილი: ქ. თბილისის მუნიციპალიტეტის ტერიტორია, მიმწოდებლის სერვისცენტრი.

4. შესყიდვის ობიექტის ხარისხი

- 4.1 მიმწოდებელი იღებს ვალდებულებას, რომ მიწოდებული ობიექტის ხარისხი უპასუხებს ხელშეკრულებით გათვალისწინებულ პირობებს და დააკმაყოფილებს შემსყიდველის მოთხოვნებს.
- 4.2 შესყიდვის ობიექტის საგარანტიო ვადა შეადგენს მიღება-ჩაბარების აქტის გაფორმებიდან 2 წელს მარაზე, აგრეგატებზე, სხვადასხვა დეტალებზე და მოწყობილობებზე გარბენის შეუზღუდავად. სხვა საგარანტიო პირობები მოცემულია მიმწოდებლის მიერ წარმოდგენილ საგარანტიო პირობებში (დანართი N3 და დანართი N4), რომელიც თან ერთვის ხელშეკრულებას და წარმოადგენს მის განუყოფელ ნაწილს (დანართი - 4 (ოთხი) ფურცელი).
- 4.3 მიწოდებული საქონელი უნდა იყოს ახალი და უნაკლო.
- 4.4 საგარანტიო ვადაში შესყიდვის ობიექტის მიერ გამოვლენილი წუნის/ხარვეზის/დეფექტის/გაუმართაობის შემთხვევაში, მიმწოდებელი ვალდებულია დაუყოვნებლივ შეაკეთოს ან ახლით შეცვალოს წუნის/დეფექტის/ხარვეზის მქონე ან გაუმართავი საქონელი.
- 4.5 წუნის/ხარვეზის/დეფექტის/გაუმართაობის შემთხვევაში, საქონლის ტრანსპორტირება უნდა უზრუნველყოს მიმწოდებელმა.

5. ხელშეკრულების შესრულების კონტროლი (ინსპექტირება)

- 5.1 შემსყიდველს ან მის წარმომადგენლებს უფლება აქვთ განახორციელონ ტექნიკური კონტროლი ან/და გამოცადონ საქონელი და გაწეული მომსახურება, რათა დარწმუნდნენ მათ შესაბამისობაში კონტრაქტით გათვალისწინებულ ტექნიკურ პირობებთან.
- 5.2 მიმწოდებელი ვალდებულია საკუთარი რესურსებით უზრუნველყოს ხელშეკრულების პირობების შესრულების კონტროლის (ინსპექტირების) განხორციელებისათვის აუცილებელი პერსონალისა და ტექნიკური საშუალებების გამოყოფა, ასევე უზრუნველყოს საჭირო სამუშაო პირობები. იმ შემთხვევაში, თუ შემსყიდველი ორგანიზაცია ხელშეკრულების პირობების შესრულების კონტროლის მიზნით გამოიყენებს საკუთარ ან მოწვეულ პერსონალს, მის შრომის ანაზღაურებას უზრუნველყოფს თვითონ შემსყიდველი ორგანიზაცია.
- 5.3 მიმწოდებელი ვალდებულია საკუთარი ხარჯებით უზრუნველყოს კონტროლის (ინსპექტირების) შედეგად გამოვლენილი ყველა დეფექტის ან ნაკლის აღმოფხვრა და წუნდებული საქონლის შეცვლა.

5.4 მიმწოდებლის მიერ ხელშეკრულებით ნაკისრი ვალდებულებების შესრულების კონტროლს შემსყიდველის მხრიდან განახორციელებენ ქალაქ თბილისის მუნიციპალიტეტის მერიის ადმინისტრაციის პირველადი სტრუქტურული ერთეულის ხელმძღვანელი (ადმინისტრაციის უფროსი) ან/და ქალაქ თბილისის მუნიციპალიტეტის მერიის ადმინისტრაციის ლოჯისტიკის სამსახურის თანამშრომლები.

6. შესყიდვის ობიექტის მიღება-ჩაბარების წესი

6.1 შესყიდვის ობიექტის მიღება-ჩაბარება განხორციელდება შემსყიდველისა და მიმწოდებლის უფლებამოსილი წარმომადგენლების მიერ მიღება-ჩაბარების აქტის გაფორმებით.

6.2 შემსყიდველის მხრიდან მიღება-ჩაბარების აქტის გაფორმებაზე უფლებამოსილ პირს წარმოადგენს ქალაქ თბილისის მუნიციპალიტეტის მერიის ადმინისტრაციის პირველადი სტრუქტურული ერთეულის ხელმძღვანელი (ადმინისტრაციის უფროსი).

7. ანგარიშსწორება და ანგარიშსწორების ვალუტა

7.1 ანგარიშსწორება მოხდება უნაღდო ანგარიშსწორებით ლარში.

7.2 ანგარიშსწორება განხორციელდება 2018 წლის ბიუჯეტის სახსრებით, ფაქტიურად მიწოდებული შესყიდვის ობიექტის შესაბამისად, მიღება-ჩაბარების აქტის გაფორმებიდან 10 (ათი) სამუშაო დღის განმავლობაში.

7.3 იმ შემთხვევაში, თუ ამ ხელშეკრულების მე-13 მუხლით გათვალისწინებული წესით საჯარიმო სანქციის გამოყენებასთან დაკავშირებით შეტყობინებიდან 10 (ათი) კალენდარულ დღეში მიმწოდებლის მიერ არ იქნა წარმოდგენილი საჯარიმო სანქციით დაკისრებული თანხის გადახდის დამადასტურებელი დოკუმენტი, შემსყიდველი ვალდებულია მიღება-ჩაბარების აქტით განსაზღვრული მიწოდებული საქონლის ღირებულების ანაზღაურებისას, ხელშეკრულების პირობების დარღვევის გამო საჯარიმო სანქციით დაკისრებული თანხა შემსყიდველის მიერ დაქვითულ იქნეს, რის შემდეგაც მიმწოდებელს ჩაერიცხება დარჩენილი თანხა.

7.4 წინასწარი ანგარიშსწორება (ავანსი) არ გამოიყენება.

8. ხელშეკრულების პირობების შეუსრულებლობა

(საჯარიმო სანქციები, ფორმა, ოდენობა და გადახდის ვადები)

8.1 ფორს-მაჟორული პირობების გარდა, ხელშეკრულების დამდები მხარეების მიერ ხელშეკრულების პირობების შეუსრულებლობისა ან/და დაგვიანებით შესრულების შემთხვევაში გამოიყენება საჯარიმო სანქციები.

8.2 ხელშეკრულებით ნაკისრი ვალდებულებების შეუსრულებლობის ან არაჯეროვნად შესრულების (გარდა შესრულების ვადის დარღვევისა) შემთხვევაში მიმწოდებელს დაეკისრება ჯარიმის გადახდა ყოველ ჯერზე ხელშეკრულების ღირებულების 0,2%-ის ოდენობით.

8.3 ხელშეკრულებით ნაკისრი ვალდებულებების შესრულების ვადის გადაცილებისათვის მიმწოდებელს დაეკისრება პირგასამტეხლოს გადახდა ყოველ ვადაგადაცილებულ დღეზე ხელშეკრულების ღირებულების 0.1 %-ის ოდენობით.

8.4 ხელშეკრულების შეწყვეტის შემთხვევაში, მიმწოდებელს დაეკისრება ჯარიმა ხელშეკრულების საერთო ღირებულების 5%-ის ოდენობით.

8.5 საჯარიმო სანქციით დაკისრებული თანხა გადახდილ უნდა იქნას მხარისთვის აღნიშნულის თაობაზე გადაწყვეტილების (წერილი ჯარიმის დაკისრების თაობაზე) გაცნობიდან არაუგვიანეს 10 (ათი) კალენდარული დღის ვადაში.

8.6 თუ შემსყიდველი არ ასრულებს წინამდებარე ხელშეკრულების მე-7 მუხლის 7.2 პუნქტის მოთხოვნებს, მიმწოდებელი უფლებამოსილია დააკისროს შემსყიდველს პირგასამტეხლო, მიმწოდებლისათვის ჩასარიცხი თანხის 0,02%-ის ოდენობით, ყოველ ვადაგადაცილებულ დღეზე.

8.7 საჯარიმო სანქციების გადახდა არ ათავისუფლებს ხელშეკრულების მხარეებს ძირითადი ვალდებულებების შესრულებისაგან.

9. ხელშეკრულების შეწყვეტა

9.1 ხელშეკრულების დამდები ერთ-ერთი მხარის მიერ ხელშეკრულების პირობების შეუსრულებლობის ან არაჯეროვნად შესრულების შემთხვევაში, მეორე მხარეს შეუძლია მიიღოს გადაწყვეტილება ხელშეკრულების სრული ან მისი ცალკეული პირობის მოქმედების ცალმხრივად შეწყვეტის შესახებ.

9.2 ხელშეკრულების დამდები მხარე, რომელიც მიიღებს ასეთ გადაწყვეტილებას, ვალდებულია შეატყობინოს მეორე მხარეს მიღებული გადაწყვეტილება, მისი მიღების საფუძველი და ამოქმედების თარიღი.

9.3 ხელშეკრულების შეწყვეტისას მხარეს შეუძლია მოითხოვოს ზიანის ანაზღაურება, რომელიც მას მიაღება მეორე მხარის მიერ ხელშეკრულებით ნაკისრი ვალდებულების შეუსრულებლობით.

9.4 ხელშეკრულების ცალკეული პირობების მოქმედების შეწყვეტა არ ათავისუფლებს მხარეებს დანარჩენი ვალდებულებების შესრულებისაგან.

9.5 შემსყიდველს უფლება აქვს მიიღოს გადაწყვეტილება ხელშეკრულების ცალმხრივად შეწყვეტის შესახებ, მათ შორის შემდეგ შემთხვევებში:

ა) მიმწოდებლის მიერ ხელშეკრულებით ნაკისრი ვალდებულებების შესრულების ვადის 5 კალენდარულ დღეზე მეტი ვადით გადაცილების შემთხვევაში;

ბ) თუ შემსყიდველისათვის ცნობილი გახდა, რომ მისგან დამოუკიდებელი მიზეზების გამო იგი ვერ უზრუნველყოფს ხელშეკრულებით ნაკისრი ვალდებულებების შესრულებას;

გ) საქართველოს კანონმდებლობით გათვალისწინებულ სხვა შემთხვევებში, მათ შორის მიმწოდებლის მიერ ხელშეკრულებით ნაკისრი ვალდებულების ნებისმიერი ისეთი დარღვევის დროს, რაც შეუძლებელს ხდის ნორმალური სახელშეკრულებო ურთიერთობის გაგრძელებას, ან იწვევს შემსყიდველის ინტერესის დაკარგვას სახელშეკრულებო ურთიერთობის გაგრძელებისადმი.

9.6 ამ მუხლის 9.5 პუნქტში მითითებულ შემთხვევებში, შემსყიდველი ვალდებულია აუნაზღაუროს მიმწოდებელს ფაქტიურად მიწოდებული საქონლის ღირებულება.

10. ფორს-მაჟორი

10.1 ფორს-მაჟორი - სტიქიური მოვლენები, გაფიცვები, საბოტაჟი ან სხვა საწარმოო არეულობა, სამოქალაქო მღელვარება, ომი, ბლოკადა, აჯანყება, მიწისძვრა, მეწყერების ჩამოწოლა, ეპიდემია, წყალდიდობა და სხვა მსგავსი მოვლენები, რომელიც არ ექვემდებარება მხარეთა კონტროლს და რომელთა თავიდან აცილებაც მათ მიერ შეუძლებელია. ფორს-მაჟორად არ ითვლება მიმწოდებლის ფინანსური მდგომარეობის გაუარესება, თუ ეს ჩამოთვლილ მოვლენებთან არ არის დაკავშირებული. ამ დროს, მხარეებს შორის ხელშეკრულების შესაბამისად გადასახდელ თანხაზე ფორს-მაჟორის შემთხვევაში გათვალისწინებული შეღავათები არ ვრცელდება.

10.2 ხელშეკრულების პირობების ან რომელიმე მათგანის მოქმედების შეჩერება ფორს-მაჟორული გარემოებების დადგომის გამო არ იქნება განხილული, როგორც ხელშეკრულების პირობების შეუსრულებლობა ან დარღვევა და არ გამოიწვევს საჯარიმო სანქციების გამოყენებას.

10.3 ფორს-მაჟორული გარემოებების დადგომის შემთხვევაში ხელშეკრულების დამდებმა მხარემ, რომლისთვისაც შეუძლებელი ხდება ნაკისრი ვალდებულებების შესრულება, დაუყოვნებლივ უნდა გაუგზავნოს მეორე მხარეს წერილობითი შეტყობინება ასეთი გარემოებების და მათი გამომწვევი მიზეზების შესახებ. თუ შეტყობინების გამგზავნი მხარე არ მიიღებს მეორე მხარისაგან წერილობით პასუხს, იგი თავისი შეხედულებისამებრ, მიზანშეწონილობის და შესაძლებლობის მიხედვით აგრძელებს ხელშეკრულებით ნაკისრი ვალდებულებების შესრულებას და ცდილობს გამონახოს ვალდებულებების შესრულების ისეთი ალტერნატიული ხერხები, რომლებიც დამოუკიდებელნი იქნებიან ფორს-მაჟორული გარემოებების ზეგავლენისაგან.

10.4 იმ შემთხვევაში, თუ ფორს-მაჟორული გარემოებების დადგომის გამო, იცვლება ხელშეკრულებით გათვალისწინებული რომელიმე პირობა, აღნიშნული ცვლილება უნდა გაფორმდეს მხარეთა წერილობითი შეთანხმების სახით.

11. ხელშეკრულებაში ცვლილებების შეტანა

11.1 თუ რაიმე წინასწარ გაუთვალისწინებელი მიზეზების გამო წარმოიშობა ხელშეკრულების პირობების შეცვლის აუცილებლობა, ცვლილებების შეტანის ინიციატორი ვალდებულია შეატყობინოს მეორე მხარეს შესაბამისი ინფორმაცია. ამავე დროს, შემსყიდველი არ არის ვალდებული წარუდგინოს მიმწოდებელს რაიმე მტკიცებულებანი იმ გარემოებებთან დაკავშირებით, რომლების გამოც წარმოიშვა ხელშეკრულების პირობების შეცვლის აუცილებლობა.

11.2 ხელშეკრულების პირობების ნებისმიერი ცვლილება (მათ შორის მხარეთა შეთანხმებით ხელშეკრულების შეწყვეტა) უნდა გაფორმდეს წერილობით - მხარეთა შეთანხმების სახით და დანართის სახით უნდა დაერთოს ხელშეკრულებას. მხარეთა წერილობითი შეთანხმება ცვლილების თაობაზე, ჩაითვლება ხელშეკრულების განუყოფელ ნაწილად.

12. ღირებულება

12.1 მიმწოდებლის მიერ შემოთავაზებული შესასრულებელი ვალდებულების ფასი წარმოადგენს ხელშეკრულების ღირებულებას.

12.2 მხარეთა შეთანხმებით დასაშვებია ხელშეკრულების ღირებულების შეცვლა.

12.3 ხელშეკრულების ღირებულებითი პარამეტრების შეცვლა დაუშვებელია, თუ ამ ცვლილებების შედეგად იზრდება ჯამური ღირებულება ან უარესდება ხელშეკრულების პირობები შემსყიდველი ორგანიზაციისათვის, გარდა საქართველოს სამოქალაქო კოდექსის 398-ე მუხლით დადგენილი შემთხვევებისა.

12.4 საქართველოს სამოქალაქო კოდექსის 398-ე მუხლით გათვალისწინებული პირობების დადგომის შემთხვევაში, დაუშვებელია სახელმწიფო შესყიდვის შესახებ ხელშეკრულების ჯამური ღირებულების 10%-ზე მეტი ოდენობით გაზრდა.

12.5 ხელშეკრულების ღირებულების შეცვლა ფორმდება მხარეთა წერილობითი შეთანხმების სახით.

13. ურთიერთობა ხელშეკრულების დამდებ მხარეებს შორის

13.1 ნებისმიერი ოფიციალური ურთიერთობა ხელშეკრულების დამდებ მხარეებს შორის უნდა ატარებდეს წერილობით ფორმას. წერილობითი შეტყობინება, რომელსაც ერთი მხარე ხელშეკრულების შესაბამისად უგზავნის მეორე მხარეს, იგზავნება საფოსტო გზავნილის სახით. ოპერატიული კავშირის დამყარების მიზნით დასაშვებია შეტყობინების მეორე მხარისათვის მიწოდება ტელეფონის, ელექტრონული ფოსტის ან ფაქსის გაგზავნის გზით. შეტყობინების ორიგინალი შემდგომში წარედგინება მეორე მხარეს უშუალოდ ან ხელშეკრულებაში მითითებულ მისამართზე საფოსტო გზავნილის გაგზავნის მეშვეობით. ამასთან, ტელეფონით დაკავების შემთხვევაში მიმწოდებელს 24 საათის განმავლობაში ჩართული უნდა ჰქონდეს 13.2 პუნქტში მითითებული მობილური და ქალაქის ტელეფონის ნომრები.

13.2 ტელეფონით, ელექტრონული ფოსტით ან/და ფაქსით ურთიერთობისათვის გამოყენებულ იქნება:

ა) მიმწოდებლის შემდეგი რეკვიზიტები: საკონტ. პირი ბ-ნი: დავით ჯოხაძე; ტელეფონის ნომერი: 0322 517 517; ელექტრონული ფოსტა: info@skoda.ge, d.jokhadze@skoda.ge.

ბ) შემსყიდველის შემდეგი რეკვიზიტები: საკონტ. პირი ბ-ნი გიორგი ქვაჩაძია, მობილური ტელეფონის ნომერი: 577 15 15 52; ელექტრონული ფოსტა: g.kvachakhia@tbilisi.gov.ge.

13.3 ხელშეკრულებაში მონაწილე ორივე მხარე ვალდებულია, ხელშეკრულების მოქმედების პერიოდში საკონტაქტო პირ(ებ)ის ან ინფორმაციის ცვლილება წერილობითი სახით აცნობოს მეორე მხარეს.

13.4 შეტყობინება შედის ძალაში ადრესატის მიერ მისი მიღების დღეს.

14. სადაო საკითხების გადაწყვეტა

14.1 ხელშეკრულების დამდები მხარეები თანხმდებიან მასზე, რომ ხელშეკრულების ან მასთან დაკავშირებული საკითხების ირგვლივ მათ შორის წარმოქმნილი ნებისმიერი დავა შესაძლებელია გადაწყდეს მხარეთა შეთანხმებით, ხოლო ასეთის მიუღწევლობის შემთხვევაში, დავა გადაწყდება მოქმედი კანონმდებლობის შესაბამისად საქართველოს სასამართლოს მიერ.

14.2 ზიანის ანაზღაურებასთან დაკავშირებით, გამოიყენება საქართველოს სამოქალაქო კოდექსის შესაბამისი მუხლები.

14.3 ხელშეკრულება დადებულია საქართველოს კანონმდებლობის შესაბამისად და ინტერპრეტირებული იქნება საქართველოს კანონმდებლობის მიხედვით.

15. ხელშეკრულების შესრულების უზრუნველყოფის საბანკო გარანტია

15.1 იმისათვის, რომ თავიდან იქნას აცილებული რისკი, წარმოქმნილი მიმწოდებლის მიერ სახელმწიფო შესყიდვის შესახებ ხელშეკრულების შეუსრულებლობის გამო, გამოიყენება გარანტირების მექანიზმის შემდეგი სახე – უპირობო, გამოუთხოვადი საბანკო გარანტია, ხელშეკრულების საერთო ღირებულების 5%/10%-ის ოდენობით.

15.2 მიმწოდებელს მისი წერილობითი მოთხოვნის საფუძველზე ხელშეკრულების შესრულების უზრუნველსაყოფად გაცემული საბანკო გარანტია, ხელშეკრულებით გათვალისწინებული ვალდებულებების სრული და ჯეროვანი შესრულების შემთხვევაში, დაუბრუნდება მხარეთა შორის შესყიდვის ობიექტის საბოლოო მიღება-ჩაბარების აქტის გაფორმების შემდეგ.

15.3 მიმწოდებლისაგან დამოუკიდებელი მიზეზების გამო ხელშეკრულების შეწყვეტის შემთხვევაში შემსყიდველი ორგანიზაცია ვალდებულია მიმწოდებლის მოთხოვნისთანავე დაუბრუნოს მას ხელშეკრულების შესრულების უზრუნველყოფის გარანტია.

15.4 უპირობო, გამოუთხოვადი ხელშეკრულების შესრულების გარანტია წარმოდგენილი უნდა იქნას საქართველოს ეროვნული ბანკის მიერ ლიცენზირებული საბანკო დაწესებულებიდან ან სსიპ „საქართველოს დაზღვევის სახელმწიფო ზედამხედველობის სამსახურის“ მიერ ლიცენზირებული სადაზღვევო კომპანიიდან, ეროვნულ ვალუტაში - ლარში.

16. სხვა პირობები

16.1 ამ ხელშეკრულებით გაუთვალისწინებელი პირობები რეგულირდება საქართველოს კანონმდებლობით.

16.2 ხელშეკრულება შედგენილია ქართულ ენაზე, ოთხ ეგზემპლარად, რომელთაგან თითოეულს აქვს თანაბარი იურიდიული ძალა და ინახება ხელმოწერ მხარეებთან (ერთი პირი მიმწოდებელთან და სამი პირი შემსყიდველთან). ხელშეკრულებასთან დაკავშირებული ნებისმიერი მიმოწერა შესრულებული უნდა იყოს ქართულ ენაზე.

16.3. წინამდებარე ხელშეკრულების ნებისმიერი ცვლილება ან დამატება ძალაშია მხოლოდ მას შემდეგ, რაც იგი წერილობითი ფორმითაა შედგენილი და ხელმოწერილი მხარეთა მიერ.

16.4 „ხელშეკრულების“ მუხლ(ებ)ი, პუნქტ(ებ)ი დანომრილია და დასათაურებულია მხოლოდ მოხერხებულობისათვის და ამ ფაქტს „ხელშეკრულების“ ინტერპრეტაციისათვის მნიშვნელობა არ ენიჭება. მუხლ(ებ)ის, პუნქტ(ებ)ის ან/და ქვეპუნქტ(ებ)ის დასათაურებაში ან დანომრებაში ცდომილების/სხვაობის არსებობის შემთხვევაში, გამოიყენება ამავე მუხლ(ებ)ის, პუნქტ(ებ)ის ან/და ქვეპუნქტ(ებ)ის შესაბამისი შინაარსის მქონე მუხლ(ებ)ი, პუნქტ(ებ)ი ან/და ქვეპუნქტ(ებ)ი.

16.5 „ხელშეკრულების“ ტექსტში მექანიკური ან/და ტექნიკური შეცდომის ან/და ხარვეზის არსებობის შემთხვევაში „მხარეთა“ მიერ, აღნიშნული შეცდომა ან/და ხარვეზი განხილული და განმარტებული უნდა იყოს „ხელშეკრულების“ შესაბამისი წინადადების (წინადადებების) ან/და შინაარსიდან გამომდინარე. იმ შემთხვევაში, თუ აღნიშნული შეცდომა

ან/და ხარვეზი არ შეესაბამება „ხელშეკრულების“ სათანადო წინადადებას/წინადადებებს ან შინაარს, მას (ხარვეზი/შეცდომა) „ხელშეკრულების“ შინაარსის განმარტებასთან დაკავშირებით არ ექნება (არ მიენიჭება) რაიმე მნიშვნელობა.

17. მხარეთა იურიდიული რეკვიზიტები

შემსყიდველი:

ქალაქ თბილისის მუნიციპალიტეტის მერია
მის: ქ. თბილისი,
ქ. შარტავას ქ. №7
სახელმწიფო ხაზინა
კოდი: TRESGE22
ა/ა № GE24NB0330100200165022
ს/კოდი: 204521794

ქალაქ თბილისის მუნიციპალიტეტის
მერიის ადმინისტრაციის პირველადი
სტრუქტურული ერთეულის
ხელმძღვანელი (ადმინისტრაციის უფროსი)

ვ. ჭილაძე




მიმწოდებელი:

შპს „იბერია ავტო ცენტრი“
მის: მცხეთა,
დავით აღმაშენებლის ქუჩა.
სს „ვითიბი ბანკი ჯორჯია“
კოდი: UGEBGE22
ა/ა: GE46VT700077777773602
ს/კოდი: 436031116

შპს „იბერია ავტო ცენტრი“-ს
დირექტორი

დ. ჯოხაძე



№	დასახელება (წარმოშობის ქვეყანა, მწარმოებელი კომპანია და მარკა/მოდელი)	ტექ. მასსიათვლები (სატექნიკური დოკუმენტაციის 1.2 პუნქტის მოთხოვნების შესაბამისად)	რაოდენობა (ცალი)	ერთეულის ღირებულება (ლარი)	ფლობის ღირებულება (ლარი)	საერთო ღირებულება (ლარი)
1	შოდა ოტავია სკუტერი, მწარმოებელი კომპანია ს/ს „შოდა ავტო“, წარმოშობის ქვეყანა - ჩეხეთის რესპუბლიკა	ძრავი 1.8 - 180ც/მ - ბენზინი, ტურბო გამაძლიერებლით, 6 საფეურანი ავტომატიკა (დეტალური აღწერილობა - დანართი #2)	1	69,388.00	3,160.00	72,548.00


№	დასახელება	ერთეულის ღირებულება	5 000 კმ	15 000 კმ	25 000 კმ	35 000 კმ	45 000 კმ	55 000 კმ	65 000 კმ	75 000 კმ	85 000 კმ	95 000 კმ	100 000 კმ	ჯამი
1	ძრავის ზეთის ხარჯი	110	110	110	110	110	110	110	110	110	110	110	110	1100
2	ძრავის ზეთის ფილტრების ხარჯი	36	36	36	36	36	36	36	36	36	36	36	36	360
3	წინა ხუნდების ხარჯი	309				309					309			618
4	უკანა ხუნდების ხარჯი	189					189					189		378
5	ჰერმის ფილტრის ხარჯი	70			70		70		70		70			280
6	კონდიციონერის ფილტრის ხარჯი	49			49		49		49		49			196
7	ანთების საბურთალების ხარჯი (კომპლექტი, 4 ერთეული)	228					228							228
8	ძრავის ღვდის ხარჯი	არ იცვლება, არის ციხე												0

ინფორმაცია სერვისცენტრის ადგილმდებარეობის შესახებ - ს/ს „შოდა“-ს ავტორიზებული სერვის ცენტრი - დ. აღმაშენებლის ხეივანი მე-12 კმ
 მიღება-ჩაბარების აქტის გაფორმებიდან 2 წელი გარსენის შერღუდვის გარეშე - ძარაზე.
 ავრეგატებზე სხვადასხვა დეტალებზე და მოწყობილობებზე
 (დეტალური გარანტიის ჩამონათვალი იხილეთ დანართი #3. ბ.)

შესყიდვის ობიექტის გარანტია -

შპს „იბერია ავტო ცენტრი“-ს დირექტორი

დავით ჯოსაძე





ძრავი	სიმძლავრე	კოლოფი	საშუალო წვა	ფასი
1.8 (1798) TSI 4X4 ბენზინი (ტურბო გამაძლიერებულით)	132კვტ/180ცხ.ძ	6 საფ. ავტომატიკა (წინა სვლის სიჩქარეები)	6.8 ლ/100კმ	69 388 ლარი

დანართი #2

აღჭურვა

- მწარმოებელი - ს/ს „შკოდა ავტო“
- წარმოშობის ქვეყანა - ჩეხეთის რესპუბლიკა
- გამოშვების წელი - 2018 (ექსპლუატაციაში არმყოფი, გარბენი არაუმეტეს 50 კმ)
- ძარა - უნივერსალის ტიპის
- საჭე - მარცხენა
- ფერი - 1 ერთეული - რუხი მეტალიკი
- ამძრავი თვლები - 4X4
- სიგრძე - 4687მმ/ სიგანე სარკეებიანად - 2017მმ/ სიმაღლე ამაღლებული კლირენსით - 1531მმ
- ცუდი გზების პაკეტი-ამაღლებული კლირენსი
- ცენტრალური გაღების სისტემა დისტანციური მართვით და 2 კეცვადი გასაღებით
- ელ. რეგულირებადი მინები წინ და უკან
- დამატებითი სდექ სიგნალი უკანა საქარე მინაზე
- სიმაღლეში რეგულირებადი კომფორტული თავის მისაყრდენები ყველა მგზავრისათვის
- გატაცების საწინააღმდეგო სისტემა-იმობილაიზერი
- მძღოლისა და წინა მგზავრის აირბაგი
- წინა გვერდითი აირბაგები
- სრულიად მოთუთიებული ძარა 12 წლიანი ანტიკოროზული გარანტიით
- სამწერტილიანი უსაფრთხოების ღვედები
- სალონის განათება
- უკანა სავარძლები დაყოფილი და კეცვადი
- სათადარიგო საბურავი (რკინის დისკით)
- ნაჭრის სალონი
- ნისლსაწინააღმდეგო ფარები
- საჭის გამაძლიერებელი (მარცხენა საჭიანი)
- მწვევლთა პაკეტი
- კონდიციონერი მექანიკური რეგულირებით
- იდაყვის დასაყრდენი წინ
- ბორტკომპიუტერი
- 2 დინამიკი
- მსუბუქი ალუმინის დისკები R17 - 4 ცალი
- ელ. რეგულირებადი გვერდითი სარკეები
- რადიომაგნიტოფონი
- ESC
- უკანა საქარე მინის ელ. გათბობა
- ტექსტილის ხალიჩები
- მიწოდების ვადა - ხელშეკრულების გაფორმებიდან 60 კალენდარული დღე
- მიწოდების ადგილი - ქ. თბილისის მუნიციპალიტეტის ტერიტორია, მიმწოდებლის სერვის-ცენტრი.

გარანტია 2 წელი, შეუზღუდავი გარნებით

შპს „იზერია ავტო ცენტრი“

ტელ: +995 32 2 517 -517

თბილისი, დავით აღმაშენებლის ხეივანი

www.skoda.ge

N	საგარანტიო პირობები	გარანტია არანაკლებ	პრეტენდენტის მიერ შემოთავაზებული საგარანტიო პირობები
1	მიწოდებულ ავტომატურად საგარანტიო პერიოდი მიღება-ჩაბარების აქტის გაფორმებიდან	არანაკლებ 3 (სამი) წელს ან არანაკლებ 150 000 კილომეტრს (რომელიც ადრე შესრულდება)	არანაკლებ 3 (სამი) წელს ან არანაკლებ 150 000 კილომეტრს (რომელიც ადრე შესრულდება)
2	სათადარიგო ნაწილის/მომსახურების დასახელება		
3	წინა სამუხრუჭე ხუნდები	10 000 კმ.	10 000 კმ.
4	უკანა სამუხრუჭე ხუნდები	10 000 კმ.	10 000 კმ.
5	ქვედა გიტარა	2 წელი	2 წელი
6	წინა გიტარის მილისა	25 000	25 000
7	უკანა გიტარის მილისა	25 000	25 000
8	ქვედა გიტარა ბურთულა თითოთ	25 000	25 000
9	წინა საკისარი	1 წელი ან 60 000 კმ.	1 წელი ან 60 000 კმ.
10	უკანა მორგვის საკისარი	1 წელი ან 60 000 კმ.	1 წელი ან 60 000 კმ.
11	წინა მოხვევის მუშტა კომპლექტში	2 წელი	2 წელი
12	ნახარის მილისა	25 000	25 000
13	წინა ამორტიზატორი	1 წელი ან 60 000 კმ.	1 წელი ან 60 000 კმ.
14	უკანა ამორტიზატორი	1 წელი ან 60 000 კმ.	1 წელი ან 60 000 კმ.
15	წინა ამორტიზატორის საკისარი	60 000 კმ.	60 000 კმ.
16	წინა ამორტიზატორის ბალიში	60 000 კმ.	60 000 კმ.
17	წინა ამორტიზატორის რეზინი	60 000 კმ.	60 000 კმ.
18	ტურბოს გამაგრებელი რადიატორი	2 წელი	2 წელი
19	წელის გამაგრებელი რადიატორი	2 წელი	2 წელი
20	ძრავის გაგრძელების სისტემის პროპელერი	2 წელი	2 წელი
21	ძრავის გაგრძელების სისტემის ტუმბო	2 წელი ან 80 000 კმ.	2 წელი ან 80 000 კმ.
22	კონდიციონერის გამაგრებელი რადიატორი	2 წელი	2 წელი
23	კონდიციონერის კომპრესორი	2 წელი	2 წელი
24	გადაბმულობის შთავარი ცილინდრი	2 წელი	2 წელი
25	გადაბმულობის დაბლითა მუშა ცილინდრი	2 წელი	2 წელი
26	ამჟოლი დისკი, პლიტა-დისკი კომპ.	10 000 კმ.	10 000 კმ.
27	დამწოლი დისკი, პლიტა-დისკი კომპ.	10 000 კმ.	10 000 კმ.
28	გამოთში საკისარი	10 000 კმ.	10 000 კმ.
29	ძრავის შენევა	2 წელი ან 100 000 კმ.	2 წელი ან 100 000 კმ.
30	წინა საყრდენი დისკი	10 000 კმ.	10 000 კმ.
31	უკანა საყრდენი დისკი	10 000 კმ.	10 000 კმ.
32	მაჩუნი კომპლექტში	2 წელი	2 წელი
33	გადაცემათა კოლოფის ბალიში ზედა	1 წელი ან 100 000 კმ.	1 წელი ან 100 000 კმ.
34	გადაცემათა კოლოფის ბალიში ქვედა	1 წელი ან 100 000 კმ.	1 წელი ან 100 000 კმ.
35	ძრავეჭვეშა ბალიში	1 წელი ან 100 000 კმ.	1 წელი ან 100 000 კმ.
36	ძრავის დამჭერი ბალიში	1 წელი ან 100 000 კმ.	1 წელი ან 100 000 კმ.
37	მშრალი ამორტიზატორი	1 წელი ან 100 000 კმ.	1 წელი ან 100 000 კმ.
38	ზეთის ფილტრი	10 000 კმ.	10 000 კმ.
39	სალონის ფილტრი	20 000 კმ.	20 000 კმ.
40	პაერის ფილტრი	20 000 კმ.	20 000 კმ.
41	კონდიციონერის ფილტრი	20 000 კმ.	20 000 კმ.
42	თერმოსტატი	2 წელი ან 80 000 კმ.	2 წელი ან 80 000 კმ.
43	გენერატორი (კვანძებით)	2 წელი	2 წელი
44	გენერატორის ლეველი	80 000 კმ.	80 000 კმ.

45	წყლის ტუმბო	2 წელი ან 80 000 კმ.	2 წელი ან 80 000 კმ.
46	მაღალი წნევის ხაწევის ტუმბო	2 წელი	2 წელი
47	დაბალი წნევის ხაწევის ტუმბო	2 წელი	2 წელი
48	ზეთის ტუმბო	2 წელი	2 წელი
49	სტარტერი	2 წელი	2 წელი
50	სალონის ღუმელის გამაგრებული რადიატორი	2 წელი	2 წელი
51	სალონის გათბობა-გაგრილების სისტემის ელ.ვერტილატორი	2 წელი	2 წელი
52	უკანა მავრთხილებელი მაშუქის ნათურა	2 თვე	2 თვე
53	წინა ფარის ნათურა ახლო მაშუქი	2 თვე	2 თვე
54	წინა ფარის ნათურა	2 თვე	2 თვე
55	ნათურა მოხვევის მაჩვენებლის	2 თვე	2 თვე
56	სალონის ხელსაწყოთა მაჩვენებლის დაფა	2 წელი	2 წელი
57	საქარე მინის საწმენდი ჩოაქები	6 თვე	6 თვე
58	გადაცემათა კოლოფის ზეთი (მექანიკა)	2 წელი	2 წელი
59	ანტიფორი	1 წელი	1 წელი
60	სამუხრუპე სისტემის ავზი	2 წელი	2 წელი
61	სამუხრუპე სიტემის მილი	2 წელი	2 წელი
62	ძრავის ამთვლელი გადამწოდი	2 წელი	2 წელი
63	კატალიზატორის გადამწოდი	2 წელი	2 წელი
64	უკანა სვლის მაჩვენებელი გადამწოდი	2 წელი	2 წელი
65	საჭის გასადები	2 წელი	2 წელი
66	საჭის მექანიზმი	2 წელი	2 წელი
67	წყლის გამაგრებული ვერტილატორი	2 წელი	2 წელი
68	შუშის ამწევი მექანიზმის დაფა	2 წელი	2 წელი
69	შუშის ამწევი მექანიზმის ძრავი	2 წელი	2 წელი
70	უკანა ამორტიზატორის ფიქსატორი (ლიმონიკი)	1 წელი ან 60 000 კმ.	1 წელი ან 60 000 კმ.
71	წინა ამორტიზატორის ფიქსატორი (ლიმონიკი)	1 წელი ან 60 000 კმ.	1 წელი ან 60 000 კმ.
72	შუშის საწმენდი წყლის ავზი	2 წელი	2 წელი
73	შუშის საწმენდი წყლის ავზის ძრავი	2 წელი	2 წელი
74	საწევის ავზის ენტიდაციის სარქველი	2 წელი	2 წელი
75	ტუმბო	2 წელი	2 წელი
76	ტუმბოს სარქველი	2 წელი	2 წელი
77	გაბარიტის ნათურა	2 თვე	2 თვე
78	ხანოშრის ნათურა	2 თვე	2 თვე
79	გადაცემათა კოლოფი	2 წელი	2 წელი
80	გარე ეუმბარა	6 თვე ან 20 000 კმ.	6 თვე ან 20 000 კმ.
81	ტრავერსი	2 წელი	2 წელი
82	ძრავის წინა ჩობალი	2 წელი	2 წელი
83	ძრავის უკანა ჩობალი	2 წელი	2 წელი
84	ძრავის თავის შუასადები	2 წელი	2 წელი
85	ძრავის სარქველის ჩობადები	2 წელი	2 წელი
86	სალონის ღუმელის დამატებითი ტუმბო	2 წელი	2 წელი
87	სალონის ღუმელის დამატებითი ტუმბო ქვედა	2 წელი	2 წელი
88	თერმოსატატის სამიმართულეზიანი გამანაწილებელი	100 000 კმ.	100 000 კმ.
89	სალონის ღუმელის სამიმართულეზიანი გამანაწილებელი	100 000 კმ.	100 000 კმ.
90	სალონის ღუმელის მილი	100 000 კმ.	100 000 კმ.
91	წევა	2 წელი	2 წელი
92	მიდა ყუმბარა	2 წელი	2 წელი
93	ღუმელის ჩამრთველი კლიმატ კონტროლით	2 წელი	2 წელი
94	ღუმელის ჩამრთველი ჩვეულებრივი	2 წელი	2 წელი
95	ტრავერსის მილისა	2 წელი ან 60 000 კმ.	2 წელი ან 60 000 კმ.
96	ზეთის სეპარატორი	2 წელი	2 წელი

Handwritten signature and official stamp of the State Service for Technical Regulation of Georgia.


97	ანტიფრიზის ავზი	2 წელი	2 წელი
98	წყვის დაბოლოება	2 წელი	2 წელი
99	ბრავის წყლით გაგრილების სისტემის პლასმასის მუფტა	2 წელი	2 წელი
100	ანთების სანთელი	2 წელი 60 000 კმ.	2 წელი 60 000 კმ.
101	წყლის მიღების რეზინის შუასადები	2 წელი	2 წელი
102	წყლის მუფტის რეზინის შუასადები	2 წელი	2 წელი
103	ანთების ელ. კოჭა	2 წელი 150 000 კმ.	2 წელი 150 000 კმ.
104	კოლექტორი (შემშვები)	2 წელი	2 წელი
105	ზეთის რადიატორი	2 წელი	2 წელი
106	ბრავი	2 წელი	2 წელი
107	მფრევედანა	2 წელი	2 წელი
108	მთავარი პროცესორი	2 წელი	2 წელი
109	ელ.სისტემა და მასთან დაკავშირებული კვანძები	2 წელი	2 წელი
110	აკუმულატორი	1 წელი	1 წელი
111	ხელის მუხრუჭის სახელური	2 წელი	2 წელი
112	უკანა საბარგულის ამორტიზატორი	2 წელი	2 წელი
113	ელექტრული კვანძები / აგრეგატები	2 წელი	2 წელი
114	ანთების ელ. კოჭას ჩიბუხი	2 წელი 60 000 კმ.	2 წელი 60 000 კმ.
115	ხმოვანი სიგნალი	18 თვე	18 თვე
116	ბრავის წყლით გაგრილების სისტემის რეზინისა და პლასტმასის მილები, მუფტები	2 წელი ან 80 000 კმ.	2 წელი ან 80 000 კმ.
117	ანტიფრიზის ავზის ხუფი	2 წელი	2 წელი
118	სამუხრუჭე სისტემის სუპორტები	2 წელი	2 წელი
119	სამუხრუჭე სისტემის სუპორტების კრონშტეინები	2 წელი	2 წელი
120	ღერი	15 000	15 000
121	კონდიციონერის მილები და შლანგები	2 წელი	2 წელი
122	დამატებითი სდექ-მაშუქი უკანა საქარე მინაზე	2 წელი	2 წელი
123	ავტომატური გადაცემათა კოლოფი	2 წელი	2 წელი
124	ავტომატური გადაცემათა კოლოფის გადამბულობის სისტემა	50 000 კმ	50 000 კმ
125	ავტომატური გადაცემათა კოლოფის მართვის ბლოკი	2 წელი	2 წელი
126	ფარებისა და საქარე მინის მწმენდი მექანიზმის ჩაბრთველი და სახელურები	2 წელი	2 წელი
127	ბრავის წყლით გაგრილების სისტემის ელ.სარქველი	2 წელი ან 80 000 კმ.	2 წელი ან 80 000 კმ.
128	ელ.მუშების მართვის ლილაკები	2 წელი	2 წელი
129	კარის გამლები სახელური (არამექანიკური დაზიანება)	2 წელი	2 წელი
130	მუშა კვანძები და აგრეგატები	2 წელი	2 წელი
131	მარის დაზიანების შემთხვევაში სათუხუქე-სამღებრო სამუშაოები	2 წელი	2 წელი

შპს „იბერია ავტო ცენტრი“-ს დირექტორი
დავით ჯოხაძე

SIMPLY CLEVER

Skoda Auto Georgia

ŠKODA



დანართი # 4

ინფორმაცია საერთო საგარანტიო პირობების და მომსახურების შესახებ

შკოდას ცენტრი იძლევა გარანტიას რეალიზებულ ავტომობილებზე 2 წლის განმავლობაში გარბენის შეზღუდვის გარეშე და ვალდებულებას იღებს ნებისმიერი საწარმოო დეფექტის აღმოფხვრაზე ყოველგვარი ანაზღაურების გარეშე. გარანტია ვრცელდება მარაზე, ავტომობილის სხვადასხვა დეტალებზე, აგრეგატებზე და მოწყობილობებზე, დანართი #3-ის პირობების შესაბამისად;

საგარანტიო ვალდებულებები არ ვრცელდება ბუნებრივი ცვეთით გამოწვეულ დეფექტებზე, არასწორი ექსპლუატაციით ან სერვისით, აგრეთვე ავტომობილში დილერთან შეუთანხმებელი ცვლილებების შეტანით გამოწვეულ დაზიანებებზე.

საგარანტიო ვადის ათვლა იწყება ავტომობილის კლიენტისათვის გადაცემის მომენტიდან, რომელიც ფიქსირდება სერვის წიგნში და მოწმდება „ს/ს შკოდა“-ს ბეჭდით

საგარანტიო პერიოდში სავალდებულოა ავტომობილმა ყველა სერვისის მომსახურება გაიაროს სერვის ცენტრში.

საგარანტიო პერიოდში, საგარანტიო პირობების შესაბამისად, შპს „იბერია ავტო ცენტრი“-ს მიერ ყველა რეალიზებული ავტომობილის სერვისის მომსახურებას განახორციელებს შპს „იბერიასერვისი“ - ქ. თბილისში. შპს „იბერიასერვისი“ არის შპს „იბერია ავტო ცენტრის“ ავტორიზებული სერვის ცენტრი, რომელიც ფუნქციონირებს 2004 წლიდან და აღჭურვილია უშუალოდ მწარმოებლის მიერ (შკოდა ავტო) ლიცენზირებული და წარმოებული მოწყობილობა დანადგარებით, სპეც.ინსტრუმენტებით. შპს „იბერიასერვისი“ მომსახურებას უზრუნველყოფს მწარმოებლის მიერ ლიცენზირებული/წარმოებული საცხებ-საპოხი მასალებით და ავტონაწილებით. მომსახურებები განხორციელდება უშუალოდ მწარმოებლის მიერ განსაზღვრული სტანდარტების და პირობების შესაბამისად.

გარანტია გულისხმობს დეფექტური/დაზიანებული ნაწილის, აგრეთვე საწარმოო დეფექტის მქონე კვანძებისა და აგრეგატების რემონტს ან შეცვლას (შეკეთების შეუძლებლობის შემთხვევაში), მათ მონტაჟთან/დემონტაჟთან დაკავშირებულ უფასო მომსახურებას.

შპს „იბერია ავტო ცენტრი“-ს დირექტორი

დავით ჯოხაძე

458

ხელწერილი
ინტერესთა კონფლიქტის არარსებობის შესახებ

ქ. თბილისი

18.06.2018 წელი

ქვემოთ ხელის მომწერნი ვადასტურებთ, რომ მსუბუქი ავტომობილის სახელმწიფო შესყიდვის ელექტრონულ ტენდერში (აუქციონის გარეშე) (სატენდერო განცხადება: NAT180008172) ჩვენი მონაწილეობა არ ეწინააღმდეგება „სახელმწიფო შესყიდვების შესახებ“ საქართველოს კანონის მე-8 მუხლის მოთხოვნებს და ტენდერში მონაწილეობით ინტერესთა კონფლიქტში არ ვიმყოფები.

შემსყიდველის მხრიდან ხელშეკრულებით ნაკისრი ვალდებულებების შესრულების კონტროლი (ზედამხედველი):

ქ. თბილისის მუნიციპალიტეტის მერიის ადმინისტრაციის
ლოჯისტიკის სამსახურის მატერიალურ - ტექნიკური
უზრუნველყოფის განყოფილების მეორადი სტრუქტურული
ერთეულის ხელმძღვანელი (განყოფილების უფროსი)



გიორგი ქვაჩაზია

ქ. თბილისის მუნიციპალიტეტის მერიის ადმინისტრაციის
ლოჯისტიკის სამსახურის მატერიალურ - ტექნიკური
უზრუნველყოფის განყოფილების პირველი კატეგორიის
უმცროსი სპეციალისტი



ირაკლი კობახიძე